

**BOSNA I HERCEGOVINA
FEDERACIJA BOSNE I HERCEGOVINE
FEDERALNA UPRAVA ZA GEODETSKE I IMOVINSKO-PRAVNE POSLOVE**

JAVNI POZIV

svim zainteresiranim firmama za certificiranje softvera za izvođenje osnovnih grupa procesa koji se izvršavaju nad bazom podataka katastra nekretnina (izrada, održavanje, distribucija i razmjena, čuvanje, arhiviranje i zaštita).

Bosna i Hercegovina i Federacija Bosne i Hercegovine putem pod-sporazuma sa Bosnom i Hercegovinom, je dobila kredit od Svjetske banke /Međunarodne asocijacije za razvoj / za pokrivanje troškova **Projekta registracije nekretnina**, i namjerava da upotrijebi dio kreditnih sredstava za plaćanje ugovora za izvođenje usluga/radova izrade baze podataka katastra nekretnina i usaglašavanja podataka katastra i zemljišne knjige.

Za izvođenje navedenih usluga/radova, u skladu sa članom 14. Pravilnika o bazi podataka katastra nekretnina ("Službene novine Federacije BiH", broj 21/08, 14/09 i 54/09), može biti korišten samo softver koji posjeduje certifikat izdat od strane Federalne uprave za geodetske i imovinsko-pravne poslove. Zahtjev za izdavanje certifikata podnosi korisnik softvera, proizvođač softvera ili druga zainteresirana strana. Certifikat se može izdati za jednu ili više grupa procesa.

Zainteresirane firme koje žele izvršiti certificiranje softvera trebaju podnijeti zahtjev za izdavanje certifikata u kojem trebaju navesti naziv softvera koji žele certificirati, dostaviti dokaz o vlasništvu softvera ili određenog broja licenci predmetnog softvera, te dokazati da navedeni softver ispunjava zahtjeve propisane Pravilnikom o bazi podataka katastra nekretnina i Modelom podataka katastra nekretnina za jednu ili više grupa procesa nad bazom podataka katastra nekretnina. Navedeni Pravilnik i Model podataka se mogu preuzeti sa službene stranice Federalne uprave za geodetske i imovinsko-pravne poslove www.fgu.com.ba.

Federalna uprava za geodetske i imovinsko-pravne poslove utvrđuje da li predmetni softver ispunjava zahtjeve propisane Pravilnikom o bazi podataka katastra nekretnina i Modelom podataka katastra nekretnina, zbog čega je potrebno izvršiti prezentaciju softvera pred Komisijom koju imenuje direktor Federalne uprave za geodetske i imovinsko-pravne poslove.

Ovaj poziv je trajno otvoren i služi za proširenje postojeće liste kvalificiranih firmi za obavljanje usluga/radova izrade baze podataka katastra nekretnina i usaglašavanja podataka katastra i zemljišne knjige.

Dodatne informacije se mogu dobiti na dole navedenoj adresi od 09.00 do 15.00 sati.

**Federalna uprava za geodetske i imovinsko-pravne poslove
Marka Marulića 2, 71000 Sarajevo
Tel: ++387 33 586-060
E-mail: uprava@fgu.com.ba**